

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Бесік басында

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129650/>

## БЕСІК БАСЫНДА

Ұқсайды бар тыныштық жер бетінде,  
Ұйқыдағы сәбидің келбетіне.  
Ояту былай тұрсын, рұқсат жоқ  
Ұйықтап жатқан ұлымды тербетуге.  
Ұйықта, ұлым, ұйықта, бөпем, қасыңдамын,  
Керек емес, дүния, асылдарың!  
Бақыт, байлық — барлығы менің үшін  
Сенің бір кеп мойныма асылғаның.  
Аймалайсың жанымды күлкіңменен,  
Тамағыңнан айналдым бүлкілдеген.  
Не дейсің сен бұртиып, айтшы, сәулем,  
Қытықтаған жүректі бір тілменен?  
...Қандай ғана анадан туады адам,  
Сәбилердің ұйқысын куалаған?!  
О, тыныштық! Тыныштық қандай рақат!  
Қандай рақат сәбилер жыламаған!  
Ұқсайды бар тыныштық жер бетінде,  
Ұйқыдағы сәбидің келбетіне.  
Кім болсаң ол бол, мейлің, рұқсат жоқ,  
Ұйықтап жатқан ұлымды тербетуге!  
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.